



Jørgen-Ole Nyboe Nielsen
Inatsisartuni ilaasortaq, Demokratit
/ Maani

Kiassarnermut akiligassat pillugit § 37 naapertorlugu apeqqutip nr. 2012-181-ip akineqarnera

17. august 2012
Sagsnr. 2012-070761
Dok. Nr. 993237

Asasara Jørgen-Ole Nyboe Nielsen

Postboks 909
3900 Nuuk

Apeqqtinnut qujanaq.
Taakku ataasiakkaarlugit akissavakka.

Tlf. (+299) 34 50 00
Fax (+299) 34 54 10
E-mail: iaan@nаноq.gl
www.nanoq.gl

1. Siusinnerusukkut massakkullu INI-p inissiaataanni ataasiakkaani najugaqartut kiassarnermut akiliutaasa qulakkeernissaannik suliniuteqarneq ullumikkut qanoq inissisimava?

Namminersorlutik Oqartussat inissiaataanni ataasiakkaat atuinerannut uuttuutit tunngavigalugit ungasianiit kiassarnermik atuineranut immikkut akiliisitsisarneq atorneqanngingajappoq.

Inissiaarsuarni illunilu uiguleriinni Namminersorlutik Oqartussat siusinnerusukkut pigisaanni maannakkullu pigisaanni akiliisitsinissamut uuttuutit amerlanersaasa illut arlallit atuinerannik uuttuisarnerat pissutaavoq. Tassalu ullumikkut Namminersorlutik Oqartussat inissiaataasa amerlanersaanni kiassaateqarfikkaartumik, illunik arlalinnik ataatsikkut pilersuisuusunut akiliisitsisoqartarpoq. Tamatuma kingunerisaanik taakkunani attartortut kiassarnermi atugavitsik tunngavigalugu akiliineq ajorput, kisiannili kiassaateqarfinni illunut najukkaminut pilersuisuusuni atukkat tunngavigalugit agguaqatigiissitsinerit akilertarlugit.

2. Ullumikkut Inissiatileqatigiiffiup immikkoortortaqrifiisa qassit inissiat ataasiakkaat kiassarnermut akiliisitseriaaseq atulereerpaat, sunalu pissutigalugu Inissiatileqatigiiffiup immikkoortortaasa tamakkerlutik inissiat ataasiakkaat atuinerat tunngavigalugu akiliisitseriaaseq suli atulersimanngilaat?

Oqaatigineqareersutut kiassarnermut akiligassat kiassaateqarfikkaartumik, illunik arlalinnik ataatsikkut pilersuisuusunut akiliisitsisoqartarpoq. Tassalu kiassarnermut akiligassat najugaqarfinnut agguarneqarneq ajorput, kisiannili kiassaateqarfikkaartumik agguarneqartarlutik. Tamatuma saniatigut inussiarnersumik apeqqut 1-imut akissut innersuussutigissavara.

Peqqutaasunut pissutsit arlaliupput: Namminersorlutik Oqartussat inissiaataasa attartortittakkat amerlanersaanni pissutsit teknikkimut, aningaasaqarnermut

aqutsinermullu tunngasut pissutaallutik, ungasianiit kiassarermik atuinermut immikkut uuttusersuinissaq imaaliillaannaq pisinnaangilaq, imaluunniit ajornakusoortuinnarmik pisinnaalluni.

Teknikki eqqarsaatigalugu inissiarsuit illullu uiguleriit, Namminersorlutik Oqartussanit pigineqartut amerlanersaanni ruujorit imminnut ataannartuupput (ataatsimoorput). Taamaattumik inissiami ataatsimi kiassarermik atuneq ungasianiit kiassarermut uuttuummik, ingerlaartunut uuttuummik taaneqartartumik ataasiinnarmik ikkussinikkut uuttorneqarsinnaangilaq. Kiassarermut atortulersuutit allanngortinneqarnissaat aamma nalinginnaasumik amerlasuunik aningaasartuuteqarfiusarpoq.

Kiisalu illumi, najugaqarfiusunik inissiartaqartumi ataatsimoorpumi immikkut kiassarermik atuinermut akiliisitsisalernissamut uuttusersuinissamut aalajangiisoqassappat, tamanna pillugu illuutillit peqatigiiffianni imaluunniit najugaqarfimmi isumaqatigiittoqarsinnaanersoq apequtaassaaq. Tamatuma saniatigut taamatut aalajangiisoqassappat, immikkut atukkat qanoq naatsorsorneqarsinnaanersut, kiisalu akiliisitsisarnermi tunngaviusut suut malinneqassanersut pillugit kiassarermik pilersuisumut isumaqatigiissuteqartoqarsinnaanersoq apequtaassaaq.

3. Atuisut tamakkerlutik namminneerlutik atugartik aallaavigalugu kiassalernissaannik sukkanerusumik piviusunngortitsinissaq anguniarlugu Naalakkersuisut sunik suliniuteqarpat?

Sanaartukkanut nutaanut aamma illunut pioreersunut iluarsaanneqartunut, Illuutileqatigiiffiup Illuut A/S-ip ataani inissisimasunut tamanut tunngatillugu ingerlatseqatigiiffimmi siunertaavoq, innaallagissamut, imermut kiassarermullu immikkut akiliisitsisoqartalissasoq.

Namminersorlutik Oqartussat illuutaannut pioreersunut tunngatillugu maannamut naliiisoqartarpoq, pissutsit teknikkimut, aningaasaqarnermut aqutsinermullu tunngasut siuliani taaneqartut pequtugalugit ungasianiit kiassarermik atuinermut immikkut uuttusersuinissamut aningaasaliinissaq imminut akilersinnaangitsoq.

Kisiannili maluginiassallugu pingaaruteqarpoq, niuerfimmi kissamik agguaanermut uuttuutunik elektroniskiusunik assigiinngitsorpasuarunik, radiatorinut ataasiakkaanut inissinneqarsinnaasunik peqarmat. Taakku kissaq kiassaateqarfimmiit radiatorimut pilersuutigineqartoq, aamma kissaq avatangiisiiit radiatorimut sunniuteqartoq immikkoortissinnaavaat. Kiassaateqarfimmiit kissaq kisimi atukkatut nalunaarsorneqartarpoq. Taamatut kissamik nalunaarsuinermi atukkanillu agguaanermi radiatorit ataasiakkaarlugit uuttusersorneqarnissaat, aammalu agguaanermut tunngavissanik aalajangersaasoqarnissaa pisariaqarpoq. Kiisalu suliffeqarfimmik, uuttuutunik sullissinermik atuaanermillu, kiisalu uuttuutunik misissuisarnermik suliaqartumik pilersitsisoqartussaavoq. Tamatuma saniatigut kissamik pilersuisup aamma inissianik aqutsisup akornanni ataqatigiissaarisooqartariaqarpoq suleqatigiittoqartariaqarlunilu.

Kissamik agguanermut uuttuutit elektroniskiusut taamaattut tunngavigalugit aaqqiinissaq maannamut Namminersorlutik Oqartussanit suli aningaasaqarnikkut aqutsinikkullu unammilligassatut nalilerneqartarpoq.

Kisiannili aaqqiissutissap taassuma siunissami atorneqalernissaa ilimagineqarluarsinnaavoq.

Neriuppunga akissutikka naammagisimassagitit.

Inussiarnersumik inuulluaqqusillunga

Jens B. Frederiksen